

مجموعه ابوالخیر

۱۷ نجی سنہ

صفر ۱۲۱۴

جزو، عدد : ۵۸

عالم مثال یا خود شیخ محی الدین عربی

عالم مثال چو قد برو عرفای ملل نظرند تجلی ایتش بر مسئله در . اسکی یگی همان هر ملتده بو عالمه دار سوزلر اولمش ودرلو نامرله یاد و توصیف اولمشدر . بالخاصه بزم اکابر اسلام و عرفای صوفیه طرفلرندن بو بابده بعض مشاهدلر ظهور ایدرک علمای ظاهرک انظار مؤاخذلری جلب ایتمشدر . واقعا مسئله اگر مادی ، یا خود نظری اولسیدی بلکه شمندی به قدر انظار علماده حل اولمش بولنوردی . فقط چاره سز ؛ چونکه معنوی و نهایت حدسیدر . بز بوراده شو عالم غیب و مثالک حقیقته ، شئون واحواله دار کندیلگمزدن برشی یازمیه جغز . چونکه مسئله فکر و نظر مزه صیغیورکه ، آگا عطف نظرله فکر مزی سوق ایده بیله لم . شو قدرکه بو بابده شرق و غرب عرفاسی طرفلرندن اول و آخر یازلمش ، سو یلتمش بعض افکار و مطالعاتی ارباب فکرک انظار وجدان و عرفانلرینه عرض ایده جگزر .

بوگون یگی اورویا ایچنده بر جماعت قیام و ظهور ایدرک بزم اسکیدن بری (عالم مثال) (عالم اشباح) یا خود (برزخ ارواح) دیه گلدیگمز شو عالم غیبه آنلر (سطح نجمی) (فلک نجوم) تسیمه ایتمشلر و حقیقت و شئونه دار بعض معالم سو یلکله طبیعئون علماک تعریض و استهزایرینه هدف اولمشلردر . طبیعی ! شو عالمی مطالعه ایدن ذوات دخی بزم گبی حسیات وجدانیه و خاطرات فکریه لرینه مراجعت ایدرک کیم بیلور بلکه شو عالمه منسوب برعارف ، یا خود بر خبر گوروب ایشدکلرینی تخطر ایده جکلر و کندی کندیلرینه امر وجدانیلریله بر حکم

و یروب دوشنه جکلردر . بز بوراده شو نقل افکار بحثده ترتیب طبیعی به رعایت
ایتمه ایدرک اولا یگیردن باشلايه جغز . یعنی مصرک « المقتطف » جریده علمی سنده
کوریلان بر مقاله یی نقل و ترجمه دن صکره عرفای اسلامک دخی افکار
و مشاهداتی قید و املا ایده جگر . تاکه ارباب مطالعه دخی شو ایکی فکری گوزلجه
تطبیق و مقایسه ایدرک آره لرنده کی فرق و تفاوتلری مشاهده بیورسون . علاوه
ایده لم که شو عالم غیبه دائر المقتطفک بیاناتی بر خلاصه اولقله برابر ، قدمایه شرح
اوله جق بعض تفصیلاتی دخی شاملدر . گویاکه ترقی قانونی شو عالمده دخی حکمنی
اجرا ایدرک کندینی گوسترمشدر : المقتطف ، مقاله سنده شو عنوانلری قویمش
و شویله باشلامشدر « عالم الغیب او برزخ الارواح »



عالم غیب « یاخود برزخ الارواح »

« لاحس للجسم بعد الموت نعله : فهل تحس اذا بان عن الجسد »
جسمک روحدن صکره حتی یوقدر بونی بیلورز ؛ فقط روح جسندن آیریلنجه
عجب حس ایدرمی ؟ ایشته اصل مسئله بودر . بو بیتک ناظمی « ابوالعلا المعری » دن
اؤل و صکره دخی افکار عالم بو مسئله ایله مشغول اولمشدر .
جمله عالم شویله قائلدرکه روح ، بعدالموت حس ایدر ، متأثر اولور ، جزا کوردر .
هرکس شو حیات دنیاده نه یایمش ایسه بالآخره جزاسنی بولور .
اکثر ناس دیرکه

ولو آنا اذامتا ترکنا : لکان الموت راحة کل حیّ

ولکنّا اذامتنا بعثنا : ونسأل بعده عن کل شیّ

« اگر بز اولنجه هان ترک اولنیورسه ک احوالده اولوم هر صاحب حیات
ایچون محض راحت اوله جقدی . لکن بز اولنجه تکرار دیریلوب بعث اوله جغز .
صکرده هرشیدن مسئول اولوب قاله جغز » .

ایسته ادیان منزله نك مدارى بودر . بزم تربیه اولند یغز اخلاق و آدابده بویله در . فیما بعد اولادمزی دخی بویله جه تربیه ایدوب کیده جگر .
اگر شو اعتقاد اولمسیدی حیات دنیانك دخی قیمت و فضیلتی اولیه یقده !
او حالده هرکس ، هر درلو جرم و فالف ار تکیانی - طویولمقدن امین اولدجه -
مباح و آسان عد ایده جکدی .

دنیاده کیمسه خیر و حسنه - فائده گورمدجه - میل و احسان ایتیه جکدی .
لکن شو « حس بعدالموت » مسئله سنی تسلیم ایتك هرکسه آسان دکلدر .
بو سبيله درکه اکثری شبهه دارانی علما و فلاسفه دن بولورسکزر . حتی شیخ الفلاسفه
« فلاطون » « محالدرکه انسان اولدکنصکره کی احوالی بیلسون ، مکرکه آکا بر
مرشد سماوی هدایت و ارشاد ایله » دیمشدر . اشته ادیانك دخی مفادی بویله در ؛
یعنی ماورای موتی تیلک ، اوجهتی کندیلگمزدن ادراك ایلک اقتدارمزك فوقنده در .
بلکه شو « علم » (بماورای موت) آنجق بروحی سماویدر .

بو جمله ایله برابر بوگون بر جماعت قالقوب دیورلر که « بعض آدملرده قوای
عادیه دن بشقه بر قوت واردرکه ، بوقوتله ماورای موتی دخی ادراك ایدرلر . بونلر
شو قوه فوق العاده لريله بزم عالمك (ماوراسنده) دیگر بر عالم ده ادراك ایدیدرلرکه
خلقك نفوسی (وارواح) اورایه انتقال و کافه اعمال و افعالی اوراده تمثیل و ارتسام
ایلر . انسان ، بزم عالم دنیاده هر فصل بر فعل ایشارسه او دیگر عالمده دخی بر نظیری
کندی کندینه ایشلور حاصل اولور .

بوراده نه یاپیلور ، ایجاد اولنورسه اوراده دخی عینله بر مثلی وجودپذیر اولور .
نصل که ترازونك برگوزنی اینسدیروب قالدیره جق اولورسه ق دیگر کفهمی دخی
کندیلگندن اوله جه اینر قالفار .

بز شومسئله یی ایضاح ایچون بوگون بو جماعتدن بریسنك یازدینی سوزلری
بیان ایدم : کاتب دیرکه « فرض ایدکرکه انسانلر گوزدن محروم اوله رق
خلق اولمشلر . اجسامی عیان ، بیان گورمیورلر . اشیا یی بر برندن تمیز ایدمیورلر .
الوانی دخی گوزلريله ادراك ایدوب یلیورلر . یالکزر نور و ظلمتی شویله بللی

بلورسز فرق ایدیور؛ یعنی بزم بعض وقت گوزلرمزی یوموب طور دیغیز زمانلر
 حس اید بیلدیگمز درجه سیله ادراک ایدیورلر .
 « بوحالده ینه برچوق خصوصاً تنده ینه شمعیکی کبی اولورلر . شمعی یابمقد
 اولدقلری برچوق ایشلری ینه ییارلر . قوای عقلیه لری دخی شمعی ادراک ایلدیگی
 شیلرک برچوغنی ینه بویله جه ادراک ایدوب کیدرلر . چونکه « تمیز الوان » قوتنک
 (باصره نك) فقدانی برچوق اموره مضر دگلدر . لکن فرض اولنسه که شو
 « کورلر » میانندن بریسی ممتاز اولمش؛ یعنی بریسنه باصره (تمیز الوان) قوتی بخش
 اولمش . آرتق قره یی، بیاضی سچور . یشیلی، قرمز یی گوروب فرق ایده یور .
 ایشته بو آدم دیگر کورلره (ارقداشلرینه) « شو قرمز چچک اوتکی صازی
 گلدن گوزلدر » دیه جک اولسه طبیعی ! هپ بر آغز دن آرقداشلر گوله جکار .
 بزم آغا هذیان ایدیور ؛ دیه جکلردی . چونکه بو آدم اولمدق برشی ادعا ایدیور !
 « مثلاً دیسه که بن الیمی طوقدیر مقسزین شویله بر نظرله سود ایله بالی شراب
 ایله (سیاه) مرکبی فرق ایدر آکلارم . ینه طبیعی ! زوالی قاچرمش ، چیلدیرمش
 دیه جکلردی ! . برده شویله فرض ایدک : اوت هرکس گوزلدر ؛ نظر لری تمامدر .
 آنجق سامعه دن محرومدرلر . کیمسلر برسس ایشیده مز . فقط بودها فنا ! چونکه
 بو محرومیت ترقیات عقلیه یی عظیم رخنه لره اوغرادر . او وقت لغات والفاظک هیچ
 اهمیتی قالمز . مع مافیه ینه خلق یرلر ، ایچرلر . نه قدر صاغر اولسه لرده ینه ایش
 یایوب چاتارلر ، چالیشورلر ، یشارلر ، شمعی فرض ایدیگز که بونلرک ایچندن ده
 بعضلری ممتاز اولمش قولانغی ایشیدیور . طبیعی بونلرده اوتکی صاغرلر نظرنده
 هدف تعریض اولوب قالورلر . مثلاً بونلردن ایکسی « بز آره مزده بر دیوار دخی
 اولسه ینه بر بریمزک مرانی آکلایه بیلورز » دیه جک اولسه طبیعی رد ایده جکلر .
 وایلان سویلیورسگز . بزى آلتیورسگز دیه جکلر !

« شاید شو ممتازلردن بری هنوز گورنمدیگی حالده اوزاقدن اوزاغه برعر به نك
 کیمکده اولدیفنی خبر ویرسه ده ، عرب به دیدیگی کبی گلوب چیقسه بونلرده — او بر
 کورلر کبی — خیر سزک عرب به جیله اتفاقکز وارد ؛ یاخود نصلسه تصادف ایتشد .

دیه جکله . شو آجیق آدمله شاید « برعربنه نك كلسكه اولديغنی بشقه بر حس ايله وگورمدن بیلورز » دیسه لر، ینه درلو تهتمله هدف اولوب قاله جقلری طبیعیدر . « ایشته بزم » عالم غیب « اموريله اشتغال ایدنلرك شمديكي حاللری بویله در . عالمه هدف تعريض اوليورلر؛ چونكه هر كسك ادراك ایده مدیكي شیلری سويليورلر . بوسيله دركه بشقه لری طرفندن دخی — هانیا اوکورلر، صاغرلرك روا كوردكلری — تهتمه دوجار اوليورلر . چونكه بتون عالم — كندیلرینه بخش اولنمیان — شو قوای فوق العاده نائل اولان ممتازلری شارلاناتان، بدلا، مجنون عد ایدیورلر .

« چونكه شوممتازلر سائر خلقه نسبتله پك آز بولنیورلر . مع مافیه نه قدر آزلق اولسه لر دخی ینه بعضیلرینك عالم غیبه دائر اخباراتی دیگرلری — ادراكده متفاوت اولسه لر بیله — تأیید ایده جك درجه لده چوق و كافی درلر . »

معارضه : (المقتطف محررلری شو آراقده بیسان ایدرلر كه : بزم بوراده عالم غیب، عالم ارواح، برزخ ارواح دیه قولاندیغز تعبیرلر شوجاعتك سطح نجمی، فلك-نجوم تسمیه لرندن کنایه در . یوقسه كتب سماویده جنت، جهنمه یاد اولنان عالم آخرت دكلدر . كذا بو مقاله نك محرری بوراده شو عالم غیبك وجودنی اثباته، یاخود اويله فوق العاده بر قوتك وجودینه استدلال داعیه سنه دوشمامشدر . بلکه شو عالم ارواح مسئله سنی حل و قبول اولنمش بر قضیه مسئله صورتنده تحریر ایشلدر . مشاهیردن بعض عثمانك دخی بونلره شو عالمك وجودینه شهادت لرینی) سويلشلر و منكرلرك انكارینی دخی بر افریقاییلنك ماء جامدی یعنی قار و بوزی انكارینه تشبیه ایشلدر . صده رجوع ایدیورز : بو عالم غیب عوالم كائناتدن بزم عالمزده متصل بر عالمدر . بر یوزنده اولدینی گبی، اوراده دخی خلاق و صور چوقدر . بو عالم بزم عالم دنیانك عادتا دیگر بر صورت و مثالیدر . بزم بر یوزنده بر حیوان، بر نبات، بر طایغ، بر دره تبه، یاخود بردگر، بر نهر، بر بلده، بر قریه، حاصلی طبیعی، صنعی برشی بولنمركه، شو عالم الغیب، یاخود برزخ الارواحده بر (مثالی) بولنسون .

چوق وقت اولوركه شومثال ونظیر اصل ارضیسندن زیاده دائم و پایدار اولور . مثلاً بر جسم ارضی وقتی كلنجه محو و زائل اولوب كیسیدیور . آناری دخی مضمحل

اولیورده، برزخ ارواحده کی صورت و مثالی ییبلرجه، عصرلر و دهرلرجه ثابت اولوب قالور.

بو حالده عالم غیبی ادراک ایدنلره گوره مثلاً، بر آدم بر شهر و یا قصبه نك بر جاده - سی اوزرنده طور و بده باقهجق اولسه، اومملکت یوزلرجه، بیگلرجه سنلر اول گلوب کچمش؛ محو و منسدرس اولمش اسکی خانه لرینك، قدیم جاده لرینك صور و امثالی نظر نده تجلی ایدرک، اوشهری سوقاق و خانه لرینی، حتی اهالی و سکنه قدیمه سنی عیاناً تماشا ایدر طور. وینه بونلره گوره بر معمار یر یوزنده نصل بر خانه بنا و انشا ایدرسه - کندی خبری اولمقسزین - برزخ ارواحی تشکیل ایلان هیولی اوزرنده دخی اونك مثلی بر بنا وجوده کتورمش اولور.

هر هانگی بردولگر، مثلاً آغا جدن بر صندوق پایهجق اولسه بوراده قوت یديله یابدینیگی، عالم غیبده دخی عقلنك قوتيله آکا مائل بر صندوق اعمال ایتمش اولور.

ایشته بو عالم لطیف و خفی که، بتون موجودات ارضیه نك صور و مثال لريله طولودر. بو بر عالم هیولانیدر که عقلنزدن خارج، فقط بالذات خارجه موجوددر. بو عالم آنجق کندیسی ادراک قابل حواس و عرفان ایله ادراک اولنور. بو عالمده اوليله قوتلر اجرای تأثیر ایدر که، اوقوتلرک بزم مواد طبیعی و ارضیه مزه اصلا تأثیری یوقدر. (مثلاً معنویدر) فکر بشر دخی بو عالمك هیولاسنه بر تأثیر قوتی حائزدر؛ چونکه بزم بوراده کی صور فکر یه مز اوتده اشیای وجودیه هیئته گیر. آنجق بو وجهله - صور فکریه دن - وجود پذیر اولان اشیای وجودیه یی (مو - جودات مادیه نك) صور و مثال لرندن فرق ایتمک پک کوچدر. بو بایده بزم عالمده بزه موجوداتی گوسترن قوتلردن پک عالی، پک دقیق قوای فوق العاده نك وجودینه وابسته در. مسئله «مانیه تیزمه» دن یعنی، نوم صنایع ایله اویودیلا ن ناعلرک حالاسندن پک گوزل نمایان اولور: بویله سی اویقو حالنده کی (ناعلر) کندیلرینی اویودان «منوم» لرینك دائماً صور فکریه لرینی اخذ و تلقی ایدرلر. بو افکار کندیلرندن خارج اولدینی حالده گویا حواس خمس ایله ادراک اولنور اشیای وجودیه ایمش کی،

بونلری ادراك وتوصیف ایدرلر . و شو صورفکریه ایله حقیقه موجودات ارضیه نظرلرنده یکسان اولور قالور . ایشته عالم غیبده دخی حال بویله در .
 صورفکریه ایله موجودات سائر هپ بر برینه ملتبس وقاریشق بولور ،
 شو موجودات غیبیه ای ادراکده ادعای تقدم ایدنلره کوچ گلان بر شی وارکه ،
 بوعالمه واصل و برزخ ارواحه کثرته داخل اولان صورفکریه نك پك چوغی -
 صلاح ایله الفت ومناسبتی اولمیان - افکار اشرا درر .

چونکه بغض ، کین ، قسوت ، حب شر ، حب انتقام گهی بودنیاده حکم
 سورمکده اولان افکار فاسده ، برزخ ارواحده پك شفع هیثله تمثل ایدرک هربری
 ماهیتنه مناسبت آله حق (ملعون) بر شکل ومثالده گورینورلر .
 ایشته اذهان ناسی طرملیان شو افکار شیرره اوراده برشر هیثته کیره رک ، عالم-
 ارواحی طولدیران مخلوقات حیهدن بریسیله اتحاد ایدرلر .

شو بحثی برازدها ایضاح ایچون دیورلرکه : بزم عالم دنیانك منظره لری ، زینت
 وزخارفی هپ نظیر ومثال اوله رق - عالم غیبده موجود و سائر نیجه بیك مظاهر
 ایله قاریشق ومخلوطدر - بزم عالم دنیاده نه قدر مخلوقات ذوی الحیات وارسه اعلاسی
 ادناسی ، کذلک جمله سنك نظائر وامثالی ینه برزخ ارواحده موجوددر .

شوقدرکه ، بونلر عالم غیبده دها جوق ودها زیاده متنوعدر . چونکه اجناس
 وانواع اوراده - مثلاً علمادن بری یر یوزنده بایدینی گهی ، آنلری تعداد وتدقیق
 ایده جك درجهده - اویله آیری غیری اوله رق موجود دکلدر . بلکه اوموجودات
 غیبیه نك ظواهری دائماً تغیراته معروضدر . چونکه اورایه وارد اولان صورفکریه
 کندوسنه مناسبتلی اولان بر حیوان ایله اتحاد ایدرک هیئت ظاهریه و (خارجیه) سی
 تغیر ایلر .

بو سببله درکه مدرکات عقلیه جه ترقی ایدرک ، برزخ ارواحی سیران و عجائب
 وغرائبی تماشا ایدنلر بولورسکزکه ، جمله سی عالم غیبیه داخل اولدقلری وقت ملاقی
 اولدقلری مخلوقات قبیحه یی مشاهده ایتملردر .
 دیورلرکه ، شوفوق العاده آدملر - حسلری قوی وکسکین اولورسه - هنوز

او یانق زماندرنده دخی شو برزخ ارواحی اطرافلرنده سیر و تماشا ایدرلر . لکن براز
دها ترقی ایدرک بونلر نفس ناطقه لرینی - برهه من الزمان - حبس جسمانیلرندن
آیروب (کندیلرندن کچوب) حلم و دمدن غیری بر جسمه حلول ایدرلرسه، ایشته
او وقت عالم ارواحه نسبت و تعلقلری، یالکز اویله اطرافلرنده کی ظواهری تماشادن
پک عالی اولور . بو حالده انسان اوراده استدیکی گبی جولان ایدر و آرتق او عالمک
قانونلریله حرکت ایلرکه، بوقانونلرله وجدان یالکز بر « آرزو » ایله بر یردن دیگر
محله انتقال و سیران ایدر . ایشته اول وقت حبسدن تجرّد و عالم ارواحده توقف
ایدرک اوراده کی شیلری کنیدیسی و او شیلر دخی کنیدیسی ادرک ایدرلر .

بعض وقت اولورکه - عالم شهادتده اولدینی گبی - عالم غیبهده دخی اوزرینه
برتیجی حیوانلر، جنوارلر هجوم ایدرلر . لکن اوراده غایت قولای اصوللر واردرکه
انسان حیاتی تأمین ایده بیلور . بواصوللر پک بسیط در . اویله سلاحه، زرهرله،
قالقنلرله محتاج دگلدیر . اصول شودر : اوراده « اراده بشریه » انساندن بشقه هر
حیوانک قوتسندن ده مؤثر در . مجرد بر آرزو ایله انسان هر مخاطره یی دفعه قادر
اولور ، مکرکه قورقو سببیه قوه ارادیه سنی اهل ایتمش اوله .

بوقارودن برو سرد ایتدیگمز افادات ایله آکلاشیلدیورکه شو عالم ارواح سکنه سی
پک زیاده در . اگ چوغی ده انساندر . چونکه هر انسان - روحی جسدینی مفارقتله -
اولدکن صکره و حیات اخرایه نائل اولمزدن اؤل هر حالده شو برزخ ارواحه
اوغرایه جقلدر . چونکه ترقی، طبیعی و عمومی بر قانوندر .
« روح » شو حیات دنیادن صکره همان دفعه حیات ابدیهیه انتقال ایده مز .
بلکه عالم ارواحه دخی اوغرایه رق درجه درجه عالم آخرته، یعنی حیات ابدیهیه
انتقال ایلر .

ایشته روح جسدن مفارقت ایدنجه ابتدا شو عالم ارواحدن کچرک اوراده
بشقه بر جسدله گینورکه، بوجسدک قسم اعظمی دخی - جسد ارضیدن جیقمش -
تصعّادات فلکیه در . روح بوراده و بو حالده بر مدت ظرفنده ینه کافه قوای عقلیه

و ادبیه سنه مالک بولنور . ادراك و اخلاقندن برشی غائب ایتمز . بالخاصه یر یوزنده کی احواله تعلق و اتصالندن دخی خالی قالمز .

شوقدرکه ابتدای امرده و شیو انتقالدن طولایی بر زمانلر مبهوت و حیران اولور قالور . بعض وقتلر اولورکه نفسک قوه روحانییه سی پک شدید اولمغله بوراده ترقیسی کسب سرعت ایلر . و شو برزخ ارواحدن دها عالی و دها مبارک دیگر بر مقامه چابوق ارتقا ایدر .

ایشته بوراده ارواح . گرک سرعتله . گرک آخر آخر ترقی ایلسون ؛ هر حالده بو عالمده اکتساب ایلدیگی " جسم اثیری " سی ینه بو عالمده قالور . (جسم ترابی یرده قالدینی کی) و صکره یواش یواش بو دخی جسم ترابی کی منحل اولور؛ چورر گیدر .

لکن بو عالمده روحدن صکره و روحسز قالان جسم اثیری پی گورنلر چوق وقت آلدانورلر . و شو جسمی عادتاً متوفانک نفسی و روحی قیاس ایدرلر . بیاندن مستغیندرکه برزخ ارواحده بولنانلرک عددی قابل تعداد دگلدر . چونکه هر آن وزمان وفات (و انتقال) ایدنلر چوقدر .

روح دخی بوراده جسد اثیریسی چوق وقت چابوق ترک و مفارقت ایتمیور؛ بلکه پک چوق سنلر برابر قالب یشایور . حتی بوراده انسانک حیاتی - یر یوزنده کی احواله شدت تعلق درجه سنده - چوق وقت حیات نیادن زیاده امتداد ایدوب گیدیور .

آرتق بیان ایدرزکه بر انسان حلول اجلدن مقدم شاید مقتولاً وفات ایلسه عالم ارواحده کی جسم اثیریسی دهشت استیلا ایدیور .

چونکه جسد اثیری هنوز روحه مسکن اولمق استعدادی پی کسب ایتماش بولنور . شو وقتسز انتقال، روح مقتوله پک گران گلدیگندن؛ مسیبلری حقنده انتقامی پک شدید اولور .

ایشته محل اعدامده بعضاً گورینان ارواحک سبب ظهوری بویله تعلیل اولنیور . ایشه شو مذهب اربابنک خلاصه افکار و مطالعاتی بودر . بز بونلری

صحتی اعتقاد ایلدیگمز ایچون یازمدق . بلکه علمادن بر جاعت دخی شو افکاره
 ذاهب اولملریله کاشانده اکثری - اسبابی یلغمان - بو غرابی (وقوعی صحیح
 ایسه) بو وجهله توجیه اتمکده اولدقلری ایچون تحریر ایلدک . حالوکه اعتبار
 اولیله توجیه وتعلیلله دکل، معلل اولان حوادث ووقوعا در .

چونکه شو اسباب غیبیه ایله تعلیل و توجیه ایدمک استیلان حادثانن هانگی
 برینه طبیعیون علما طرفلرندن عطف نظر وتدقیق اولغش ایسه گوریلورکه، هپ
 اوحادثات ووقوعات، معروف قوانین طبیعییه مستند و (معنوی دکل) طبیعی
 اوله رق حدوث وظهور ایدیور .

شاید وقوعی مثبت بر حادثه ظهور ایدوبده احکام طبیعییه ایله حلی ممکن
 اولدینی و شو عالم غیب فرضندن، و آکا متعلق خواص واحکامدن بشقه برسبی،
 چاره سی بولسوب یلغدیگی تقدیرده، و آنجق بو حالده شو رجال غیبک کندی
 ادعایلیله تمسک ومجادله ایده یملری طوغری اولور یوقسه شمدیکی حالیه بو مذهب
 تمسک مقتضای علمدن خروج دیمک اولغله جائز اوله ماز .

(المقتطف)



بهاء الدین عاملی دخی (کشکول) نام مجموعه سسنده بو بایده شویله یازار (شیخ
 محی الدین عربی) فتوحاتک سکزنجی بابنده دیرکه : « جمله عوالمدن بر عالم وارکه
 بزم صورتمز اوزرهدر . عارف اورایه نظر ایدوب باقدینی زمان نفسی او عالمده
 مشاهده ایدر . عبدالله بن عباس حضرتلری حدیث کعبیه دار روایتده اشارت
 ایدرکه « کعبه اون درت (بیت) دن بریسیدر؛ ویدی ارضدن هر برنده بزم گبی
 برابن عباس دخی موجوددر . »

شو روایت اهل مکاشفه نظرند تصدیق اولغشدر .

بو عالمده هرشی حسّی و ناطقدر . باقی ودأمدر . اصلا تبدل ایلر. اورایه
 عارفلر داخل اوله جقلری زمان اجسامیله دکل آنجق ارواحیله گیرلر، اجسامیده
 بو دنیاچه براقورلر؛ تجرد ایدرلر .

اوراده حدسز حسابسز شهرلر، مملکتلر واردر. بعضلری «مدائن نور» تسمیه اولنورلر. بو مدائن عرفادن آنجق (مصطفی) و (مختار) اولانلر داخل اولورلر. بزجه، یعنی نزد اسلامیانده نه قدر آیت وحدیت وارد اولمشسه — که عقل آنلری ظاهریندن صرف ایتمشدر — بز آنلری ظاهری اوزرینه اوراده موافق کوردک. «(شیخ سوزی بوراده ختام بولدی)

اشراقیون حکما دخی بوعله «اقلیم ثامن» (عالم المثال) (عالم الاشباح) تسمیه ایدرلر. سعدالدین تفتازانی مقاصد شرحنده دیرکه: «حکما معاد جسمانی اموری شو اساسلره بنا ایدرلر. چونکه روحک تصترف ایلدیگی بدن مثالینک احکامی عینله بدن حسسینک حکمیدر. هر ایکسیسیده حواس ظاهره و باطنیه حازدر. ایکسیسیده لذات و آلام جسمانیله ایله متلذذ و متالم اولور. ینه صاحب کشکول دیرکه: «بو بجنه ملائم بر روایت دها وار؛ ابو جعفر طوسی (کتاب تهذیب اخلاق) نده ورنجی جلدک نهایتلرنده یازار:

«امام جعفر صادقدن روایت اولورکه «برگون امام مشارالیه یونس بن ظبیانه صورمش که یا یونس! خلق ارواح مؤمنین حقنده نه دیرلر. یونس شویله جواب ویرر: «خلق دیورلر که آنلر یشیل قوشلرک قورصاقلرینه وضع اولنهرق تحت العرش قنیللر ایچنده طورلر.»

«حضرت امام بیوررکه: سبحان الله! یا یونس مؤمنلر الله بوندن — یعنی ارواحی یشیل قوشلر حواصله وضع اولمقدن — دها قیتلیدر. یا یونس! الله اگر بر مؤمنک روحنی قبض ایدرسه آنی دنیاده کی قالبی گبی بر قابله وضع ایدر. آنلر برلر، ایچرلر: حتی یانلرینه یگیدن بریسی گله جک اولسه آئیده دنیاده کی صورتیله طانورلر» شو حدیثدن صکره کتاب مذکورده شویله بر روایت دها وار: «ابو بصیر دیرکه: بن ارواح مؤمنین ایچون امام مشار الیهدن سؤال ایتدم بیوردیلرکه: «صور بدنیه لریله جنتده درلر. سن هانگیسنی کوره جک اولسه ک بو فلان آدمدر درسک.»

کشکولک دیگر صحیفه سنده (۲۷۲) دخی شوروایت وار: «آرسطو» مشهور

« اولگریا » نام کتابنده یازار که « بو عالمک ورا سنده بر سما بر ارض بر دگر کذا نباتات و بر طاقم سماوی ناس واردر . او عالمک هر بر شیئی سماویدر . اوراده (بشقه) برشی یوقدر اوراده بولان روحانیلرینه اوراده کی انسانلره ملائکدر . بر برندن نفرت ایتمز . هیچ کیمسه اوراده آرقداشنه منافی و مضر اولمز . بلکه آرقداشنه مستریخ اولور »

کشکولک ینه بو صحیفه سنده شوبله بر سؤال و جواب یازیلیدر : دینیلور که « سید شریف (تجرید) حاشیه لرنده شو سؤالی وضع ایدر : سز نه دیر سکنز وجود واجبک عینی اولمقله برابر تجرید و انقسامه قابل دگلدر دیبورلر . حالبوکه بتون هیاکل موجوداته منبسط اوله رق آنلرده ظاهر اولمشدر . هیچ برشی آندن خالی دگلدر . بلکه او هر شیئک عینی و حقیقی در .

« شو قدر که اشیا بر طاقم تقیدات ، تعینات و تشخصات اعتباریه ایله بر برندن تمیز ایدوب آیرلمشدر . شو احوال دگر ایله و دگرک بر جوق دالغله صورتنده ظهوریله تمیز اولنه بیلور حالبوکه اوراده آنجق دگر واردر بشقه دکل . جواب ویریلور که بو عقلک بر طور و حالیدر ! بوکا مناظرات عقلیه ایله دکل مجاهدات کشفیه ایله آنجق توصل اولنور . »

« کل میسر لما خلق له »

مترجم فاضل

